

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ԺՈՂՈՎ ՄԱՅՐ ԱԹՈՒ ՍՈՒՐԲ ԷԶՄԻԱԾՆՈՒՄ

Մայիսի 10-11-ը Մայր Աթոռ Սուրբ Էջմիածնում, բարձր նախագահությամբ Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի, գումարվեց Գերագույն Հոգևոր Խորհրդի հերթական ժողովը:

Ժողովը բացվեց Տերունական աղոթքով, ապա Նորին Սրբությունը ողջույնի խոսքով դիմեց ժողովականներին՝ մաղթելով նրանց Ս. Հոգու առաջնորդությունը ժողովի աշխատանքներում: Իր խոսքում Ամենայն Հայոց Հայրապետը կարևորեց Հայաստանյայց Առաքելական Սուրբ Եկեղեցու առջև ծառացած հրապապ խնդիրների շտապափույթ լուծումը:

Ժողովի արենապետներ ընտրվեցին Տ. Վաչե արքեպս. Հովսեփյանը և Կենտրոնական Եվրոպայի Հայրապետական պապվիրակ Տ. Մեսրոպ արքեպս. Գրիգորյանը:

Նիսրի սկզբնավորությամբ Նորին Սրբությունը ներկայացրեց Մայր Աթոռ Սուրբ Էջմիածնի 2004 թ. գործունեության հաշվետու գեկույցը՝ անդրադառնալով եկեղեցական, հոգեվոր-մշակութային, ընկերային, քարոզչական, եկեղեցաշինության, եկեղեցականների պատրաստության և կարևորագույն այլ ոլորտներում իրականացված ծրագրերին և արձանագրված արդյունքներին:

Գերագույն Հոգևոր Խորհուրդը մտահոգությամբ անդրադարձավ Վրաստանում առկա վիճակին՝ կապված Վիրահայոց թեմի կարգավիճակի և հայկական եկեղեցիների ու վանքերի նկատմամբ դրսևորվող ուրնձգությունների հետ: Զննարկումների արդյունքում որոշվեց եկեղեցական և պետական մակարդակներով շարունակել հետամուտ լինել հիշյալ խնդիրների բարվոք լուծմանը:

Զննության առնվեց նաև ինչպես Հայաստանում, այնպես և փարբեր երկրներում հայոց թեմերի իրավական կարգավիճակին առնչվող խնդիրներ: Կարևորությամբ ընդգծվեց թեմերում նույնական կանոնադրություններ ունենալու անհրաժեշտությունը, որ մեծապես նպաստելու է թեմերում ազգային-եկեղեցական կյանքի առավել կազմակերպման ու բարեկարգմանը:

Հայոց ցեղասպանության 90-ամյա փարելիցի միջոցառումների մասին գեկուցեց Մայր Աթոռի դիվանապետ Տ. Արշակ եպս. Խաչատրյանը: Արարադյան Հայրապետական թեմի առաջնորդական փոխանորդ Տ. Նավասարդ եպս. Կճոյանը ժողովականներին ներկայացրեց Հայոց Գրերի Գյուրի 1600-ամյակի հոբելյանի առիթով կազմակերպվող միջոցառումները:

Մայր Աթոռի Միջեկեղեցական հարաբերությունների գրասենյակի պատասխանատու Տ. Եգնիկ եպս. Պետրոսյանը ներկայացրեց միջեկեղեցական հարաբերությունների ոլորտում քույր եկեղեցիների հետ համագործակցության արդյունքները, ինչպես նաև անդրադարձավ 2006 թ. Բրազիլիայում գումարվելիք ԵՂՆ համաժողովին Հայաստանյայց Առաքելական Ս. Եկեղեցու մասնակցությամբ:

Գերագույն Հոգևոր Խորհուրդն անդրադարձավ նաև Թեմական ներկայացուցչական հերթական հավաքի կազմակերպմանը:

Ժողովը փակվեց «Պահպանիչ» աղոթքով:

ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ



ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ԺՈՂՈՎԻ ՄԱՍՆԱԿԻՑՆԵՐԸ
ՎԵՀԱՓԱՐ ՀԱՅՐԱՊԵՏԻ ԳԼԽԱՎՈՐՈՒԹՅԱՄԲ ՎԵՀԱՐԱՆԻ ՄՈՒՏՔԻՆ